



Nucleus Juris Canonici

Thenhaven, Bernhard

Coloniæ Agrippinæ, 1739

XXXIX. De Censibus, Exactionibus & Procurationibus. D. 27. S. 5. C. 3. EC.
1.

[urn:nbn:de:hbz:466:1-63382](https://nbn-resolving.de/urn:nbn:de:hbz:466:1-63382)

T I T U L U S X X X I X .

*De Censibus, Exactionibus & Pro-
curationibus.*

I. Per CENSUS h. t. intelligitur annua pen-
sio, è bonis Ecclesiæ Patrono, ratio-
ne Fundationis vel Dotationis, auctori-
tate Episcopi perpetuò constituta aut sol-
venda; aut etiam quæ singulis annis juxta
consuetudinem Diœcesium de redditibus
Ecclesiæ & beneficiorum Episcopo in
signum subjectionis & recognitionem
Ecclesiæ Cathedralis tanquam Matricis
penditur; Diciturque *Cathedricum*, &
de jure sunt duo solidi, i. e. duo aurei, de
quo c. 7. h. t. prohibet Concilium Lateran.
„ Ne Episcopi aliquique Prælati novos cen-
sus imponant Ecclesiis, nec veteres au-
geant; aliter facta irrita habeantur. An-
tiquus census dicitur, qui fuit impositus
tempore fundationis vel consecrationis
Ecclesiæ; Novus, quem ex post Episco-
pus imponit. Potest tamen Episcopus, de
Papæ & Capituli consensu Ecclesiam à
juribus Episcopalibus liberans, sibi cen-
sum retinere, ut patet ex c. 6. de Relig.
Dom. in quo Pontifex rescribit: „ Non
esse insolitum, ut cùm Episcopi conce-
dunt Ecclesias piis locis, aliquid sibi
refor-

X.
Pro.
a pen-
ratio-
ctori-
it sol-
juxta
titibus
oo in
onem
tricis
m, &
ei, de
eran.
cen-
s au-
An-
ositus
ionis
isco-
s, de
am à
cen-
Relig.
Non
onc-
fibi
eser.

DE CENSIBUS, EXACTIONIB. ET PROCURATION. 495
„reservent nomine pensionis. Potest quoque Episcopus juxta dicta *sup. Tit. 12. n. II.* imponere beneficio pensionem temporalem.

2. Per Exactiones generaliter veniunt tributa, Pedagia, Gabellæ, &c. ex iusta causa à domino territorii pro subsidio extraordino exigita, de quibus *c. 10. b. t.* „Nemo novas Pedagiorum exactiones „sine auctoritate Regum & Principum „aliquo modo præsumat sub pœna ex- „communicationis; quæ in Bulla Cœnæ est lata in omnes, qui in suis terris nova pedagia seu gabellas, præterquam in casibus à jure sibi permisis, imponunt vel augent. An ea defraudantes peccent in conscientia graviter vel leviter pro materiæ quantitate? Disputatur. Vide *Nucl. Theol. Ex. 2. n. 2.*

3. In præsenti per EXACTIONES intelligi-
tur subsidium charitativum, quod Episco-
pus à suis subditis, præsertim à personis Ecclesiasticis ratione suorum beneficio-
rum ob justam causam extraordinariè exigit, de quo *C. 6. b. t.* „Prohibet Conci-
lium Lateran. ne Episcopi subditos Tal-
liis & exactionibus gravent; si tamen „honesta ac rationabilis causa extiterit,
„cum charitate moderatum ab eis auxi-
lium valeant postulare pro multis neces-
„sita-

„sitatibus, quæ aliquoties supervenient,
 „Archidiaconi verò sive Decani nullas
 „exactiones sive tallias in Presbyteros
 „sive Clericos exercere præfamant. An
 verò Monasteria & Regulares Exempti
 ad subsidium charitativum ab Episcopo
 cogi possint? Controvertunt DD. apud
Reiffenst. b.t.n. 27. Porro iuitæ causæ pe-
 tendi charitativum subsidium, teste *Engel*
b.t. sunt, si proprii redditus non suffi-
 ciant Episcopo; si pro causis & negotiis
 Diœcesis magnas fecerit expensas; si de-
 bita pro bono communi Diœcesis con-
 tracta dissolvere velit, &c.

4. PROCURATIO ad præfens est contri-
 butio sumptuum & expensarum necessa-
 riarum pro victu & honesta sustentatione,
 ratione visitationis ex redditibus Eccle-
 siarum debita Episcopis, Archidiaconis
 vel aliis, cùm personaliter visitationis
 officium impendunt. Circa eam statuitur
C. 23. b.t. „Ne Ecclesiæ propter Visita-
 „tores nimium aggraventur, Procura-
 „tiones recipient moderatas; & cùm ali-
 „qua non sufficiat per seipsam, duæ vel
 „plures conjungantur in unum. Visita-
 „tionis officium exercentes non quærant,
 „quæ sua sunt, sed quæ JESU Christi,
 „exhortationi, correctioni & reforma-
 „tioni vacando, ut fructum referant, qui
 „non

DE CENSIB. EXACTIONIB. ET PROCURATIONIB. 497
„non perit. Et C. 27. Inhibet Pontifex:
„Ne quis pro eo, quod Monachi in Ora-
„toriis, quae in Grangiis suis habent, in-
„terdum celebrant, Procurations, quae
„ratione visitationis debentur, ab ipsis
„exigere vel extorquere presumat. Idem
est de Oratoriis privatis, quae quis in do-
mo propria pro sua devotione sine con-
sensu Episcopi extruit; si tamen in iis ex
privilegio celebrentur Missæ, potest Or-
dinarius, si velit, ea visitare, ut dispiciat,
an decenti modo sint constructa, ac hono-
rifice habeantur, ut ait *Pirb. h.t.n.81.* Cir-
ca haec videtur attendenda consuetudo
& praxis Dioecesum.

T I T U L U S XL.

De Consecratione Ecclesiæ vel Altaris.

R eviris iis, quae in *Nucl. Theol. de sacri-*
legio locali Exam. 17. n. 3. §. 4. Item de
Consecratione & execratione Altarium,
Calicum & sacrarum vestium *Exam. 24.*
n. 6. tradita sunt, notanda sequentia Ca-
pita h. t.

I. I. In *Decret. c. 1. & 3.* „Si Altare
„motum fuerit, aut solùm lapis supposi-
„tus consecratus, qui sigillum continet,
„confractus aut enormiter diminutus ex-
„titerit, debet denuò consecrari; Ecclesiæ